

LENTEDANKFEES 2017


VRYPDAG is dan ons Lentedankfees vanaf **17:00** in en om die kerkzaal! Vanaf **10:00** sal daar reeds 'n **TEETUIN** wees waar heerlike drinkgoed, koek en tert geniet kan word. Pannekoek sal ook vanaf 16:00 by die teetuin te koop wees. Die speletjies vir die kinders begin om 16:00 en die ouers kan dan in die teetuin kuier totdat die basaar om 17:00 open. Ons wil u almal nooi om lekker te kom saamwerk en saamkuier. Dit is hier waar ons mekaar beter leer ken en lekker bande smee. Ons gee vir u al die konvenors se telefoonnommers en vra vriendelik dat u sal skakel om u hulp aan te bied—ons het elkeen se hulp nodig!

Die volgende word nog benodig:

- * 2L Roomysbakke
- * Hoender vir die pasteie
- * Skaap, bees, en varkveis vir die vleistafel
- * Vis vir Kerrievis
- * Margarien, eiers, kookolie en suiker
- * Helpers om brood of koekies te bak
- * Heuning, plantjies, mooi goedjies vir geskenke (handgemaak)



God het die antwoord
op al jou probleme...
Ken HOM in alles



NG KERK MOSSELBAAI-SUID

AFKONDIGINGE: 27 Augustus 2017

"Al wat ek wens, is om Christus te ken, die krag van sy opstanding te ondervind en deel te hê aan sy lyding deur aan Hom gelyk te word in sy dood, in die verwagting dat ek self deel sal hê aan die opstanding uit die dood".



PROGRAM VIR VANDAG

DEUROFFER: Spesiale offer vir die Blommekomitee.

KATEGES/KINDERKERK: Gr R-6 vir Kinderkerk in die saal na die kinderoomblik in die diens. Gr 7-8 ontmoet oom Johan by die saal na die diens. Gr 9 vergader 10:00 in die kerk. Gr 10-11 soos deur ds André en ds Robert gereël.

NUWE INTREKKERS: Baie welkom in ons midde - mag u verblyf tot seën wees! Die dominee sal u graag na die diens voor die kansel wil ontmoet.

VOLGENDE SONDAG

NAGMAAL: Om 09:00 in die kerk (ds André), in Santos 2 se sitkamer (ds Danie) en 09:00 op Vleesbaai (ds Robert).

DEUROFFER: Sinodale offer vir die Instituut vir Dowes.

KATEGES/KINDERKERK: Gr R-6 vir Kinderkerk in die saal na die kinderoomblik in die diens. Gr 7-8 ontmoet oom Johan by die saal na die diens. Gr 9 vergader 10:00 in die kerk. Gr 10-11 soos deur ds André en ds Robert gereël.

PROGRAM VIR DIE WEEK

KLEINGROEPE: Vergader soos onderling gereël. Nuwelinge kan die kerkkantoor (tel. 6903552) kontak vir meer inligting.

Ds Danie: Maandag 15:00 in Santos 2 sitkamer.

Dinsdag 09:30 in die konsistorie.

Ds André: Dinsdag om 09:30 Bybelstudie in die saal.

Ds Robert: Dinsdag om 09:00 Bybelstudie te 17de Laan pastorie en om 19:00 Tienie Bothastr. Boekleesgroep 19:00 te 17de Laan 18.

Dinsdag: Saambidgeleentheid om 17:15 in die konsistorie. Almal welkom.

Woensdag: Santos Haven Biduur om 15:30 by Santos 1 (ds Robert).

Donderdag: Om 06:00 bid die manne saam in die kerkzaal (onder verhoog).

Vrydag: DANKFEES BASAAR om 17:00 in die kerkzaal.

BANKBESONDERHEDE

Dankoffers: Absa Mosselbaai, rek.no. 207 058 0031

Geloofsoffers: Absa Mosselbaai, rek.no. 207 016 7886

DEUROFFER: Spesiale offer vir Alta du Toit skool was R2 460-30.

KOSKAS: Augustus is **Streek B** se beurt om bydraes te maak vir die koskas. Droë produkte, groente, blikkies en gevriesde produkte, asook kontantbydraes kan by die kerkkantoor of die dienswerker afgegee word. Navrae by Joey (073 2988 142).

SAAMKUIER NA DIENS: Lekker koffie en tee word na die diens in die saal bedien. Kom kuier lekker saam en leer mekaar beter ken.

BENODIG VIR BASAAR: Potplante, tweedehanse speelgoed, handwerk soos vir klein geskenke, oorgetrekte hangers, ingelegde produkte, protea's en ander blomme, heuning, ens.

TE KOOP: Pekanneute in dop (R100/kg of R50/500g) is by die kerkkantoor te koop.

KOM WEES DEEL: Woensdae vanaf 10:00—12:00 kuiergroepie vir dames. Bring jou brei- of hekelwerk kom kuier heerlik saam in die kerkzaal.

70 PLUSERS: Funksie verskuif na 27 September 2017.

HULP BENODIG: Dringend dames nodig om te help hoenderpasteie maak vir die basaar. Alle bestanddele sal voorsien word. U plaas dit in die vrieskas, ons kry dit by u en bak dit. Kontak Joey by 0732988142 of 044-6910116.

EREDIENSTE: Vleesbaai eredienste begin vanaf 3 September om 09:00.



Vyfhonderd jaar tevore was die waarheid van die evangelie op die spel. Martin Luther se lees van Hab 2:4 en Rom 1:17 het daartoe gelei dat hy op 31 Oktober 1517, 95 stellings op die kerk in Wittenberg se deur vasgespyker het. Die BYBEL is duidelik: net JESUS kan jou red. En hierdie verlossing is sonder ons eie verdienste op grond van God se GENADE, en jy ontvang vrypraak alleen deur GELOOF. Maar Hy red jou tot 'n lewe wat AAN GOD AL DIE EER bring.

Hierdie week se tema: Meer as genoeg—net Jesus. Ons is, saam met 145 gemeentes landswyd, besig met 'n reeks getiteld *Vreugdevol Vry*.

LIEDBOEKE: Ons vra dat lidmate wat die harde rooi omslag liedboekies het, wat hulle nie meer gebruik nie, vir Vleesbaai gemeente sal skenk. Ons het nie 'n skerm en tru projektor om die woorde van die liedere te vertoon nie. Vakansietye is dit 'n probleem wanneer ons baie besoekers het. Indien ons genoeg boekies kan kry, het ons nie nodig om kostes aan te gaan om die huidige blou afgerolde Sangbundels aan te vul nie. Handig dit asb in by die kerkkantoor. Dankie.

VLEISWERK: Ons benodig weer baie hande (en skerp messe) vir die verwerking van vleis. Maandag en Dinsdag vanaf 08:30 by die saal. As jy nog nie deel van die span was nie, kom probeer gerus. Vooraf verkope—Dinsdag vanaf 11:00.

GEBEDSBULLETIN

Tema vir Augustus: Vroue en Moeders

Hierdie week se DANKSEGGING:

- * Vroue in die besigheidswêreld - polisie, versekering, medici, prokureurs, ens.
- * Vroue in "omgee beroepe" - maatskaplike werkers, verpleegsters, koshuismoeders, kleuterskool personeel, ens.
- * Ma's wat hulle kinders 'n voorsprong gee met liefde, sekuriteit, goeie voeding en die regte stimulasie (Vroeë kind-ontwikkeling).
- * Reformasie 500: Die redding deur Jesus alleen (Hy is die enigste Middelaar tussen ons en God) - dat ons VREUGDEVOL VRY kan leef.
- * Opvolgreë die afgelope week.

Hierdie week se VOORBIDDING:

- * Vroue wat mishandel, verneder of onregverdig behandel word, dat hulle vrygemaak sal word om hulle Godgegewe rol in hulle huise en in die samelewing te vervul.
- * Gestremdes (alle vorme). 28 Aug staan bekend as "Rampup Sondag".
- * Huishoudelike of ge singsgeweld - bid vir gesonde gesinswaardes.
- * Ons Moslem bure. Die "Fees van die Offer" (Eid al-Adha) op 1 Sept is die tweede van 2 Moslem-vakansiedae wat elke jaar wêreldwyd gevier word. Dit herdenk Abraham se bereidheid om sy seun te offer as 'n daad van gehoorsaamheid aan God. Bid dat in hierdie tyd Jesus en Sy onvoorwaardelike liefde aan hulle geopenbaar sal word.
- * Genoeg reën sodat die Weskaap se damme kan vol word.
- * Dankfees van 1 September.
- * "Here Jesus Christus, vergewe my omdat ek baie wil hê en min wil gee. Deurdrenk my hart met 'n passie vir U Naam, vir U hart en vir U wil om op die aarde te geskied, net soos in die hemel." (Psalm 119:139).

PERSOONLIK: Inwoners van Santos Haven se drie siekeboeë, Kenani, Huis Elsjé, Benevolent Park, Ons Huis, Huis Caro en Ons Rus. Die volgende lidmate herstel na operasies, hospitalisasie, siekte tuis, of beleef ander krisisse:

Ria Steyn Santos Haven, Pierre Swart Kokerboomstr, Johan Meyer 12de Laan, Louis Botha Cecil Shepherdstr, Willie le Roes Bolandpark, Pieter Kempen Boggomsbaai, Lien Johnson Vleesbaai, Johann Honiball Vleesbaai, Riekie Janse van Rensburg Plaas Misgunst, Madeleine van Eeden Vleesbaai, Hettie Kiewitt Blombosch

STERFTES: Elize le Roux Kaapweg en Yvonne Kotze Protea aftree-oord se broer

Onthou ons gemeente se webblad is: www.suidkerkmsb.co.za